



ANTI

Aliansi Nasional Timor-Leste Ba Tribunal Internasional

Komunikadu Imprensa

30 Agostu 2018

Komemora Hodi Diginifika

30 de Agostu mak Loron KONSULTA POPULAR BA POVU TIMOR iha 1999
no LORON INTERNASIONAL EMA LAKON FORSadU

“Komemora Loron Konsulta POPULAR: Ita POPULARIZA NAFATIN PARADEIRU SIRA NE’EBE
MAK KONTINUA LAKON FORSadU”

Ita hanoin hikas saida deit mak akontese iha loron 30 de Agostu 1999 liu ba, molok, durante
no depois de referendum ne’ebé rezulta ema timor ona rihun atus rua mak sofre husi
totura, violasuan sekuál, muda obrigatariu husi sira nia hela fatin, oho no barak mos lakon
obrigatoriamente no kontinua lakon too ohin loron lahatene sira nia paradeiru.

Loron konsulta Popular sai belit metin iha memoria povu Timor nia luta ba ukun rasik an.
Loron 30 fulan Agostu ne’e nu’udar momentum kulminante hodi hokatu okupasaun Militar
Idonezia hafoin liu dekade rua.

Besik Tinan 20 , Timor Oan hetan Ukun An no kore an husi Militar Indonesia nia opresaun
maibe malu timor oan barak mos lakon no ohin loron la hatene sira moris ka mate.

Ohin Loron Povu Timor-Leste tomak re-lembra tan ba loron istoriku Konsultasaun Popular
ba dala 19 hanesan loron ida ne’ebé importante Timor osn hotu hodi hakotu sira nia
sovrementu, terus husi okupasaun rezim militar Idonezia nian. Besik dekade rua Maluk
Timor oan ne’ebé lakon sira nia familia nafatin halerik no kontinnua halo esforsu hodi buka
tuir sira nia familia ne’ebé lakon iha tempu molok no hafoin referendum.

Saida Mak EMA LAKON FORSadU?

- ⇒ Laiha Informasaun ruma husi familia ba paradeiru ema nebe kaptura, detain nss husi
agenti Estadu durante konfliktu arma mosu;
- ⇒ Ema Lakon Forsadu ka Desaparesidos ; Krime kruel nebe akontese ba ema tamba
ne’e nudar “Krime Kontra Umanidade”.

Iha loron importante ne’e familia vítima no sobrevivente sira nafatin iha esperansa hodi husu
ba organun estadu Timor Leste, Idoneisa no Nasoens Unidas atu:

- Implementa rekomendasaun sira KVA nian liu-liu atu estabele komisaun ba buka ema
lakon

- Husu ba Estadu Timor Leste atu apoiu politika hodi estabele fundu solidaridade sosial hodi nune'e bele ajuda hakmaan sovrementu, vitima no familia vitima sira nian;
- Husu ba Konsellu Seguransa Nasoen Unidades atu kontinua halo prosesu invstigasaun no buka mekanismu ida ne'ebé adeakuadu ba prosesu akuntabilidade ba krime grave no krime kontra umanidade ne'ebé akontese molok, durante no depois referendum 1999.
- ANTI mos enkoraza Estadu Timor-Leste atu asina no ratifika Konvensaun Internasional Protesaun Halakon Ema Forsadu

UN Working Group

Vizita mai TL (Feb 2011)" Rekomeda no Enkoraza Gov Timor-Leste ho Indonesia atu Hakonu Obrigasaun Rekomendasaun CTF Estabelese Missing Person Commission hodi "DIGNIFIKA Familia Vitima Sira".

Dil, 30 Agostu 1999- 2018

Membru ANTI

JSMP, HAK, Acbit, AJAR-TL, La'o Hamautuk, Asosiasaun Vitima

www.ohchr.org/EN/Issues/Disappearances/Pages/Visits.aspx